



ICES-imit NAFO-millu aalisakkat assiginngitsut pillugit 2018-imut siunnersuinerit eqikkarnerat.

25. juni 2017

J.nr. 20.00-11

2018-imut siunnersuinerimi aalisakkat assiginngitsut Kalaallit Nunaannut soqutiginaatillit pineqarput:

1.a *Sinerissap qanittuani saarulliit* Kalaallit Nunaata kitaani

Saarullittassiissutigineqarsinnaasutut 13.952 tonsit innersuussutigineqarput. Pingortitaleriffimmeersut ICES-ip ataani ilisimatuussutsikkut suleqatigiiffimmut Kalaallit Nunaanni saarullinnik misissuisarnerni siunnersuisarnernilu tunngaviusut tamakkerlugit immikkut ittumik nutaamik naliliiffigeqqullugit kaammattuuteqarput, tamatumalu kingorna 2018-imut siunnersuineq nutaamik naliliiffigeqqeqqullugu.

1.b *Sinerissap avataani saarulliit* Tunup Kitaatalu Kujataata imartaanni (Qaqortup Kangerlua ilanngullugu)

Saarullittassiissutigineqarsinnaasutut 6.344 tonsit innersuussutigineqarput. 2017-imut 7.930 tonsit pisassiissutigineqarsinnaasutut innersuussutigineqarput. Pingortitaleriffimmeersut ICES-ip ataani ilisimatuussutsikkut suleqatigiiffimmut Kalaallit Nunaanni saarullinnik misissuisarnerni siunnersuisarnernilu tunngaviusut tamakkerlugit immikkut ittumik nutaamik naliliiffigeqqullugit kaammattuuteqarput, tamatumalu kingorna 2018-imut siunnersuineq nutaamik naliliiffigeqqeqqullugu.

1.c *Sinerissap avataani saarulliit* Kalaallit Nunaata Kitaata imartaanni

2018-imi 2019-imilu toqqaannartumik aalisarneqannginnissaat siunnersuinerimi innersuussutigineqarpoq. Siunnersuineq 2017-imut siunnersuinermit allannguuteqanngilaq.

2. *Sinerissap qanittuani qalerallit*

Qeqertarsuup Tunuanut, Ummannamut Upernavimmullu 2017-imit 2018-imullu siunnersuinerit ukiunut marlunoortuupput. 2017-imut naliliinermi peqassuseq allanngungaarsimangilaq 2018-imilu qalerallittasssiisutigineqarsinnaasutut innersuussutit imaapput: Qeqertarsuup Tunua 6.400 tons, Ummannaq 6.500 tons aamma Upernavik 6.300 tons.

3. *Qalerallit Kalaallit Nunaata Kitaani sinerissap avataani* imartami Kalaallit Nunaata Canadallu akornanniittumi
Davis Strædemut Baffin Bugtimullu siunnersuinerit ukiunut marlunnut 2017-imut 2018-imullu tunngatinneqarput. 2017-imi naliliinermi peqassuseq allannguuteqangaarsimanngilaq, 2018-imut siunnersuineq imaappoq: Davis Strædet 15.150 tons aamma Baffin Bugt 17.150 tons.
4. *Qalerallit sinerissap avataani* Tunup, Islandip Savalimmiullu imartaanni
Qalerallitassiissutigineqarsinnaasutut innersuussutigineqartut 24.000 tonsiupput. 2017-imut innersuutigineqartunit allaassuteqaratik.
5. *Suluppaakkat itisoormiut (S. mentella)* Tunup imartaata imavimmut itiseriarnerani
Suluppaagartassiissutigineqarsinnaasut innersuussutigineqartut 1.142 tonsiupput. 2017-imut pisassiissutigineqarsinnaasutut innersuussutigineqartut 1.120 tonsiusimallutik.
6. *Suluppaakkat angisuut (S. norvegicus)* Tunup Islandillu imartaanni.
Suluppaagartassiissutigineqarsinnaasutut innersuussutigineqartut 52.800 tonsiupput. 2017-imut pisassiissutigineqarsinnaasutut innersuussutigineqartut 52.800 tonsiusimallutik.
7. Irmingerhav-imi *suluppaakkat nalinginnaasut (qaffasinnerusumiittunut itinerusumiittunullu)*
Tamaani suluppaakkat 2017-imi 2018-imilu toqqaannartumik aalisarneqannginnissaat innersuussutigineqarpoq. Siunnersuineq una nutartigaanngilaq.
8. *Ammassaar* Tunup, Islandip Jan Mayen-inillu imartaanni
Ukiumut ammassanniarfiusumut 2017/2018-imut tunngatillugu aallartissutitut innersuussutigineqarpoq ammassattassiissuteqartoqassanngikkallartoq, tassa 0 tons. Siunnersuineq ukiumut ammassanniarfiusumut 2017/2018-imoortunut atortinneqartussaq aatsaat ukiernerani ukiorneranilu misissuinerit naammassineqareernerisa kingorna saqqummiunneqarsinnaassaaq. Ukiumut ammassanniarfiusumut 2016/2017-imut siunnersuinermit ammassattassiissutigineqarsinnaasutut 299.000 tonsit innersuussutigineqarput.
9. *Saarullit, saarullikkullu ilaquataat sej-it kullerillu* Barentshavip imartaaniittut
Pisassiissutissat annertussusissaat Kalaallit Nunaata, Norgep Ruslandillu isumaqatigiissutaat naapertorlugit aalajangersakkat tunngavigalugit aalisartoqartarpoq. Saarullit kullerillu sulii amerlasoorujussuupput, ikiliartornerinilli malunnartoqarluni. Sej-it allanngoriartunngillat, amerlasoorujussuullutillu. 2018-imut siunnersuinerit imatut isikkoqarput:
 - a) *Saarullit* pisassiissutigineqarsinnaasutut innersuussutigineqartut 712.000 tonsiupput. 2017-imut 805.000-it pisassiissutigineqarsinnaasutut innersuussutigineqarsimapput. Kalaallit Nunaat 2016-imi 8.607 tonsinik pisaqarsimavoq.
 - b) *Kuller-it* pisassiissutigineqarsinnaasutut innersuussutigineqartut 202.305 tonsiupput. 2017-imi 233.000 tonsit pisassiissutigineqarsinnaasutut innersuussutigineqarsimapput. Kalaallit Nunaat 2016-imi 1.401 tonsinik pisaqarsimavoq.

- c) *Sej-it* 172.500 tonsit. 2017-imi pisassiissutigineqarsinnaasut innersuussutigineqartut 150.000 tonsiupput. Kalaallit Nunaat 2016-imi 613 tonsinik pisaqarsimavoq.

2018-imi avaleraasartoortassiissutigineqarsinnaasut pillugit siunnersuineq ukiaru saqqummiunneqassaaq.

Ilanngullugillu aamma Nunatta Kitaata Tunullu imartaanni saarullittassiissutigineqarsinnaasut innersuussutit pillugit itisiliinerulluni allaaserisat, Tunumi qalerallit pillugit paasissutissat, Tunup imartaani imavimmut itiseriarnerani suluppaakkat pillugit paasissutissat Tunullu imartaani ammasaat pillugit paasissutissat saqqummiunneqarumaarput. Ilanngussamilu aamma aalisakkat tamakku 2004-miit 2016-imut siunnersuusiorfigineqartarsimanerisa pizarreneqartarsimanerisalu oqaluttuasartaat pillugit takussutissat ilanngunneqarput.

Pisortatigoortumik siunnersuinerit ICES-ip nittartagaani takuneqarsinnaapput (www.ices.dk). Siunnersuinerit allassimanerininik tuluttoortunik, ICES-imeersut assinginik, Aalisarnermut Naalakkersuisoqarfiup ataani Aqutsisoqarfik tunineqarpoq. ICES-ip ataani siunnersuinerinik suliaqarnermi paasissutissaatit tunuliaqutaasut Pinngortitaleriffimmeersunit suliarineqarput, tassa siunnersuinerinik suliaqarnermi Nunatta imartaaniittartut aalisakkat assigiinngitsut pillugit paasissutissaatit pigineqartut tamakkerlugit pisariaqartinneqartut atorineqarsimallutik.

Paasissutissanik suli amerlanerusunik piomagussagussi Pinngortitaleriffik soorunalimi tunniussaarnissamik piareersimassaaq.

Inussiarnersumik inuulluaqqusillunga

Helle Siegstad

Siunnersuinerit eqikkarnerat

1. Saarullit

Saarullit Kalaallit Nunaata imartaaniittartut siunnersuisarnermut tunngatillugu immikkoortunut pingasunut immikkoortinneqartarput:


- Sinerissap qanittuani saarullit*, Kalaallit Nunaata kangerluisa ilaanni suffisartut.
- Sinerissap avataani saarullit*, Tunup Kujataatalu avataanni suffisartut (Qaqortup Kangerlua ilanngullugu, NAFO IF).
- Sinerissap avataani saarullit*, Kitaata avataanni suffisarput (Qaqortup Kangerluata avannaani).

Saarullit sumiiffinit assigiinngitsuneersut suffereeraangamik akuleriilersarput.

a. Kitaani sinerissap qanittuani saarullit

Kitaani sinerissap qanittuani saarullinniarnermut tunngatillugu 2018-imi saarullittassiissutigineqarsinnaasut 13.952 tonsit innersuussutigineqarput, tassa 2017-imi innersuussutigineqartuniit 13 %-imik qaffariaateqartoqarluni. Saarullit aalisarneqarsinnaasut qanoq annertutigisumik ilanngartuiffigineqarsimanerat qanorlu peqatiginera pillugu paasissutissat suli amigaaqarput.

Saarullit pisarineqartartut ukioq 2000-imiilli amerliartuaarsimapput (Takussutissiaq 1) 2016-imilu saarullittarineqartut ukiuni 25-ni kingullerni aatsaat taama amerlatigalutik 34.204 tonsiusimapput.




Takussutissiaq 1. Sinerissap qanittuani saarullit: Nunatta Kitaata imartaani 1911-2016-imi pisaasimasut.

Siusinnerusukkut 2009-mi tukertuusimasut amerlanerpaajusimagaluartut, 2010-mi 2011-imilu pisaasimasut suli amerleriaqqissimapput. Pisarineqartartut agguaqatigiissillugu takissuserisartagaat 2006-imi 44 cm-iniit 2015-imi 2016-imilu 56-57 cm-inut talleriarsimapput. Taamaattumik naak saarullinnik ikinnerusunik pisaqartoqartaleraluartoq taaattoq saarullinniarneq pissarsissutaanerulersimavoq - imaappoq sarullit anginerulersimanerat pissarsiaqarnarulersitsimammat.

Sinerissap qanittuani saarullinniartarneq oqaluttuarisaanermi kingumut qiviarlugu maluginiarneqasaaq ullumikkutut pisaqartigisarneq ukiuni arlalialunniluunniit attanneqarsinnaasarsimannngimmat.

Saarulleqassutsimik 2016-imi misissuinerit 2014-2015-imilu misissuisimanernut sanilliullugit saarullit ukiunik marlunnik pingasunillu pisoqaassusillit amerleriaateqalaarsimanerannik erser-

sitsipput. Taamaattorli saarulleqqanik siunissami aalisarneqarsinnaalerumaartussanik takkussuut-toqarnera 2011-2012-imisullu qaffasitsigisumik inissisimangilaq. Aalisarneqarsinnaasunillu saarulleqassuseq (ukiunik 3-8 pisoqaassusillit) qaffasittumiittuarsinnarpoq (Takussutissiaq 2).




Takussutissiaq 2. Saamerleq: Sisimiut Nuullu imartaanni saarullit ukiunik marluk pingasunillu pisoqaassullit takkussuuttut amerlassusiat. Talerpilleq: Saarulleqassuseq, tassa saarullit ukiunik ataatsimiit arfineq pingasunut pisoqaassusillit amerlassusiat oqimaassusinnorlugu.


b. Sinerissap avataani saarullit Tunumi Kitaatalu kujataani (Qaqortup Kangerlua ilanngullugu)

Tunup Kitaatalu kujataata imartaanni 2018-imi sinerissap avataani saarullinniarnissamut tunngatillugu 6.344 tonsit pisassiissutigineqarsinnaanerit innersuussutigineqarpoq. 2017-imi 7.930 tonsit pisassiissutigineqarsinnaasutut innersuussutigineqarsimapput. 2016-imi piset tamarmiusut 14.818 tonsiusimapput (Takuss. 3). Kalaallit Nunaanneersunit Tysklandimeersunillu saarullit ilisi-matuussutsikkut misissuivigineqarnerinit takussutissat ilimanarsisippaat tamaani saarulleqassuseq oqimaassusinnorlugu appariartulersimagunartoq (Takuss. 4). Tamatumunnga peqquutaapput 2009-imi tukertorpassuusimanerat ukiumoortumillu ingerlaartarnerat kiisalu sumiiffiini pisaasartut ukiunilu kinguliini ikioqatigiiaakkuutaanik tukertukinnerusimanera.

Saarullinniarnermi peqassutsimit ilanngaataasut (F_{proxy} (fangst/survey) amerlassusiat aallaavigalugit siunnersuineq suliarineqarpoq. Ukiuni 2011-2014-imi ilanngaataasimasunik annertussusiliisimane-rit (F_{target}) aallaaviupput, isumaqartoqarmat ukiuni taakkunani saarullinniartarsimanerit ajunngitsu-mik ingerlanneqartarsimasut. Kisitsit (F_{target}) ator-neqartoq Pinngortitaleriffimmeersut saarulleqas-sutsimik misissuineranni saarulleqassutsimut tunngatillugu paasisaannut ilanngunneqarluni ator-neqarpoq ($biomasse_{2016} * F_{target}$). Peqassutsimik naliliinariarnermi nangaassutigineqartut isiginiarlugit allannguutaasinnaasut siorna siunnersuinermit sanilliullugit allannguutitaat 20 % missaannut inis-sinneqarput. Taamaaliunngikkaannimi siorna siunnersuinermit sanilliullugu saarullittassiissutigi-neqarsinnaasutut innersuussutigineqartut 1.000 tonsit missaanni appariaateqarsimassagaluardmata.



Takussutissiaq 3. Tunumi kitaanilu saarullit: Sinerissap avataani ukiuni 1954-2016 pisat.




Takussutissiaq 4. Saarulleqassutisimik misissuinermit, matumani kalinnerni ataasiakkaani pisaqarfiorujussuurtuni nangaassutaalersut isiginiarlugit nalimmassaasimanerup ilanngunneqareernerani peqassutisip takussutissiorneqarnera.


c. Kitaata avataani saarullit (Qaqortup Kangerluaniit avannamut)

Kitaata avataani saarullinniarnissamat tunngatillugu 2018-imut 2019-mullu siunnersuinerit imaapput, toqqaannartumik aalisarneqartariaqanngikkaluartut innersuussutiguneqarpoq. Mianersortussaataaernerimik periuseqartussaaneermik isumaqatigiissut naapertorlugu matumanilu atortinneqartussaaneera pequtaalluni taamatut siunnersuisoqarpoq, tunngavilersuutigineqarluni peqassuseq piffissami 1990-ip siornani appassissumiissimammat, tamaanilu amerliartuutaasut tassaaneummata aalisakkat inersimasuunngitsut sumiiffinnit allaniit tikiuttusut (Tunup Islandillu imartaanneersut). 2016-imi pizarreneqarsimapput 3.740 tonsit (Takuss. 5) tamakkulu tamangajalluinnarmik Dana Bankimi pizarreneqarsimapput.

Kalaallit Nunaanneersut Tysklandimeersullu misissuisarnertigut paasisaasa ersersippaat, saarulleqqat aalisarneqarsinnaalerumaartussat saarulleqassutisimut appakaattartut amerlassusiat 1990-ikkunniilli appasittuarsimasut. Ukioq 2000-ip missaaniilli ukiunilu kinguliini sumiiffinni saarulleqarnerulersimavoq, tamakkuli amerlanersaat tassaasimapput saarullit Tunup Islandillu imartaanneersut (Takussutissiaq 6). Kalaallit Nunaanneersut saarulleqassutisimik 2016-imi misissuinerannit paasissutissat takutippaat peqassuseq malunnaatilissuarmik appariartortoq, ilimagineqarporlu aalisarneqarluarnerat aammalu suffisinnaalersut suffiffissaminnut utikaalernerat pequtaasimassasut. Tyskit saarulleqassutisimik 2016-imi misissuinnngillat.



Takussutissiaq 5. Saarullit Kalaallit Nunaata imartaani: sinerissap avataani 1952-2016-imi pisat



Titartagaq 6. Peqassuseq oqimaassusinnorlugu. Saamerleq: Kalaallit Nunaannesut misissuinerinit peqassutisimik oqimaassusinnorlugu missiliuussineq. Talerpilleq: Tyskit misissuineranniit missiliuussineq (2016-imi Tysklandimii misissuisoqarsimangilaq).

2. Qalerallit sinerissap qanittuini Qeqertarsuup Tunua, Ummannaq kiisalu Upernavik

Siunnersuineq ukiunut marlunoortuuvoq, peqassutsilli ineriartornera piffissap ingerlanerani malinnaaffigineqassaaq peqassuserlu malunnaatilinnik allangussappat siunnersuineq malinnaatinneqassaaq. Sumiiffiit pingasut tamarmik peqassusiat misissuiffigineqarsimapput NAFO-meersullu peqassuseq allangungaassangatinnigilaat, taamaattumillu siunnersuinerit siornamiit allanguuteqanngilat. Taamaaqataanillu oqaaseqaatit naatsuinnaapput. ukiuni kingullerni qalerallit assigalugit sulimikeqisut.

a. Qeqertarsuup Tunua. Qeqertarsuup Tunuani allanguuteqartitsigani 6.400 tonsit sipporpallaarneqannginnissaat 2018-imut siunnersuinermit innersuussutigineqarpoq (2016-imi 10.760 tonsinik pisaqartoqarsimavoq). Pinngortitaleriffimmeersunit qalut qassutillu atorlugit misissuisarnerni pisaasartut amerlassusiat ukiuni kingulliunerusuni pisaasartunit allaanerungaarnatik agguaqatigiisitsinermi sulimikeqisut appasinnerusumiippat. Qalerallinernermit paasissutissaatit naapertorlugit ningitakkani qassutinilu pisaasartut takissusiat ukiuni kingullernisullu sulimikijuarsinnarput.

b. Ummannaq. Ummannamut tunngatillugu pisassiissutigineqarsinnaasut 6.500 tonsinik amerlanerunnginnissaat 2018-imut tunngatillugu innersuussutigineqarpoq (2016-imi 10.300 tonsinik pisaqartoqarsimavoq). Qassutinik misissuinermit pisaasartut Qeqertarsuup Tunuani pisarineqartartunit amerlanerupput anginerullutillu. Ningitsinermi ataatsimi pisarineqartartut amerlassusiat 2015-imi 2016-imilu aalaakkaasorujussuusimapput. Pisaasartut takissusiat agguaqatigiisillugit 2013

tikillugu aallaakkaasumik inissisimasimapput, kingornalu 2014-imi milliallassimapput ukiunili kingulliunerusuni pisaasartut milliartorunnaarlutik aalaakkaanusumik takissuseqalersimapput.

c. Upernavik. 2018-imut suli Upernavimmi 6.300 tonsit sinnerneqannginnissaat innersuussutigineqarpoq (2016-imi 7.360 tonsit pisarineqarsimapput). Ningitsinermi ataatsimi pisarineqartartut amerlassusiat oqimaassusinngorlugu 2008-miit appariartortuarsimapput aammalu 2015-imi 2016-imilu suli appariaqqissimallutik. 2014-imi pisarineqartartut takissusiisa agguaqatigiissinnerat appariarsimavoq, tamatumali kingorna aalaakkaalersimalluni.

3. Qalerallit sinerissap avataani Baffin Bugtimi Davis Strædemilu


Kalaallit Nunaata kitaata avataaniittut qalerallit Kalaallit Nunaata Canadallu marluussaraat nunallu taakku TAC-minnik namminneerlutik aalajangiisarpur, pisassiissutitut siunnersuutigineqartut affaannut naapertuuttunik innersuussutit ukiunut marlunoortuupput, peqassuserli piffissap ingerlanerani maalinnaaffigineqartuurtarpoq allanngungaatsiarsimappatalu siunnersuineq aamma malinnaatinneqassaaq. Ataaniittut siunnersuinerup nutarterneqarnerani naatsumik oqaaseqaataapput.

a. Davis Strædet. 2018-imut siunnersuummi suli 15.150 tonsit sinnerneqannginnissaat innersuussutigineqarpoq. 2016-imi 15.251 tonsit pisarineqarsimapput taakkunanga, 8.849 tonsit nunatta imartaani pisarineqarsimallutik (Qeqertarsuup Tunuata eqqaani kangerlunni pisarineqarsimasut 2.030 tonsit ilanngullugit). 2016-imi peqassutsinik misissuinerup siunnersuineq allanngortittariaqalersimangilaa.


b. Baffin Bugt. 2018-imut siunnersuinermit suli 17.150 tonsit sipporneqartariaqannginnerat innersuussutigineqarpoq. 2016-imi pisat tamarmiusut 15.984 tonsiusimapput (taakkunanga 8.335 tonsit nunatta imartaani). 2016-imi peqassutsinik misissuinerup siunnersuineq allanngortittariaqalersinngilaa.

4. Qalerallit Tunup, Islandip Savalimmiullu avataanni

Siunnersuinermit 2018-imi 24.000 tonsinik pisassiissuteqartoqarsinnaanera innersuussutigineqarpoq (siunnersuineq 2017-imisut ittoq). Pisarineqartartut 2000-imiilli 20.000 aamma 30.000 tonsit akornanniittuarsimapput. 2016-imi 25.397 tonsinik pisaqartoqarsimavoq. Taakkunanga 7.534 tonsit Kalaallit Nunaata eqqaani pisarineqarsimallutik, 12.667 tonsit Islandip eqqaani 4.658 tonsillu Savalimmiut eqqaanni pisarineqarsimallutik. (Takussutissiaq 7).



Takussutissiaq 7. Saamerleq: 1935-2016-mi sumiiffimmi tamarmi qalerallit pisarineqarsimasut. Talerpilleq: 2016-imi aalisamerup siammarsimanera.



Takusutissiaq 8. Qalerallit pissusissamisoortumik toquinnartartut amerlassusiat (saamerleq) qaleralaqassuserlu oqimaassusinnorlugu 1960-imiit 2016-imit.

2017-imit siunnersuineq siornatigutuulli peqassutsinik misissuinerinik pisanillu allattuiffinnik tunngaveqarpoq. Aalisakkat pissusissamisoortumik toquinnarlutik peqassutsimit annaasaqaataasartut annertussusiat 2000-kkut aallartinneranniilli aalisarnerup tamakkiisumik pissarsissutigilluarnerpaaffigisinnaasaanit (Fmsy) qaffasinnerujuarsimavoq. Taamaattorli 2013-ip kingornaniit aalisarnerup pissarsissutigilluarnerpaaffigisinnaasaata killinga Fmsy tikikkiartuaarneqarsimavoq, taamaalilluni tamaani ammassanniartarnek peqassuseq eqqarsaatigalugu pissarsissutaalluarnerpaamik piujuartitsiniarnerpaajusumillu aallaaveqaleriartorsimavoq. Ammassaqassuseq tamakkiisumik isiginiarlugu peqassutsip ulorianartorsiortinneqalersinnaanerata killissaata (= MSY $B_{trigger}$) qulaaniippoq, maanakkullu ammassaqassutsimit pissusissamisoortumik toquinnarlutik annaasaqaataasartut annertussusiat tassaniittuaitillugu ammassaqassutsip qaffakkiartuaarnissaa naatsorsuutigineqarpoq (Takusutissiaq 8).

5. Suluppaakkat itisoormiut (S. mentella) Tunup imavimmut itiseriarnerani


2018-imit 1.142 tonsit pisassiissutigineqarsinnaanerata innersuussutigineqarpoq, 2017-imit innersuussutigineqartuniit 1.120 tonsinik qaffallalaarlutit. Tunumi imavimmut itiseriarnerani 2009-mi suluppaaganiartoqartarpoq. Suluppaakkat assigiinngitsut marluk aalisarneqartarput: S. mentella aamma S. norvegicus (siornatigut S. marinus). 2016-imi misileraalluni aalisarneq tunngavigalugu Pinngortitaleriffimmeersut isumaqarput suluppaakkat 36% S. mentella aamma 64% S. norvegicus pisarineqarsimassat. Pisarineqartuni aatsaavissuaq S. norvegicus-it amerlanerusimapput. Allanngorneq itinerusumi aalisalernermik peqquteqarpoq.

Siunnersuineq S. mentellanut tunngasuvoq, pisaasartut 2009-mi 895 tonsiniit ukiuni 2010-15-imit 4.500 aamma 6.700 tonsit akornannut qaffariarsimapput. 2016-imi S. mentellartat 3.061 tonsinut appariarsimapput.


Peqassutsimik misissuinerit takutippaat peqassuseq 2009-2015-imi nalinginnaasumik apparartuaarsimasoq. 2016-imi qaffariarneqarsimavoq, tamannali aamma nalorninarpoq, ataasiarluni pisaqarujussuarfiusumik kalissimaneq peqqutaalluni. Suluppaagaaqqanik siunissami aalisarneqarsinnaalerumaartussanik nutaaanik 2012-imiilli takkuttoqarsimanngilaq, soorlu aamma Atlantikup kangimut avannaani pissutsit taamaattut (Takuss. 10).

ICES-ip siunnersuisarnerini aalisagaqatigiiaat killilimmik ilisimasaqarfigineqartut naliliiffiginiarlutit immikkut ittumik aaqqiissuteqarluni ukiuni kingullerni tallimani biologit peqassutsinik missiliuussisarnerinik tunngaveqarput. Agguaqatigiissillugu annikisuinnarmik allanngortoqartarsimavoq,

siunnersuinerli annerusutigut allangortangilaq. ICES-illu aamma maluginiarpa, peqassuseq aali-sarnermut malussarissorujussuusoq, tassa *S. mentella* kigaatsuinnarmik alliertortarmata, kingusis-sukkut aatsaat suffisinnaangortarlutik eqimattakkuutaartuusalutillu.



Takussutissiaq 9. Saamerleq: Suluppaagartat (*S. mentella*) 1974-miit 2016-imut. Talerpilleq: 2016-imi suluppaagarniarnermi pisaasartut siaruarsi-manerat.





Titartagaq 10. Saamerleq: Tyskit Tunumi misissuineranni peqassutsimik naliliineq. Talerpik: Kalaallit Nunaanneersut misissuineranni suluppaag-qassutsimik oqimaassusinnngorlugus missiliuussineq.

6. Ammassaat Tunup, Islandip Jan Mayenillu imartaanni

Piffissamut 2017/2018-imut ammassanniarfissamut ilisimatuussutsikkut siunnersuinerit kittaar-tumillusoq saqqummiunneqassapput. Aallartissutitut ammassaaqqaat suli inerinneqangitsut 2016-imi ukiarnerani misissuinermit amerlassusilerneqarnerat tunngavigalugu siunnersuineq siulleq suli-arineqarpoq. Siunnersuineq siulleq nutarsarneqassaaq september 2017-imi ammassaat inerissimasut misissuiniikkut amerlassusilerneqarnerat naammassineqareeriarpat. Inaarutaasumik siunnersuineq sularineqassaaq 2018-p ukiuunerani ammassaat inerissimasut missiliuussinikkut amerlassusiler-neqareeriarpata.

Ammassaat inerissimangisut 2016-imi amerlassusiat appasissorujussuussangatinneqarppoq, siun-nersuinermilu innersuussut siulleq 0 tonsiuvoq. 2016/17-imi piffissami aalisarfiusumi ammassattas-siisutigineqarsinnaasut 299.000 tonsit innersuussutigineqarpoq. 2016/2017-imi piffissami ammas-sanniarfiusumi pisassat tamarmiusut 300.000 tonsiussallutik (Takussutissiaq 11), taakkunanga 27.400 tonsit inorlugit Kalaallit Nunaanni ammassattaqarpoq. Tamaani ammassaqassuseq nutaanik takkussuuttunik 2001-imiilli pilersorneqarpallaarsimangilaq, taamaallalli 2010-mi ammassaat sua-at tukertut agguaqatigiissitsinermit amerlanerusimallutik.



Takussutissiaq 11. Tunumi, Islandimi Jan Mayenimilu ammassaat. Tulaassat (1000 tons) (saamerleq) kiisalu ammassaat ukiumik ataatsimik utoqqaassusillit amerlassusiat (talerpilleq).

Ilangussaq I: Kalaallit Nunaata imartaani qangaaniilli pisarineqartarsimasut siunnersuisarsinerillu takussutissartaat.

Rådgvn.og fangststal for vigtigste bestande. Excellen indeholder oplysninger fra 2000.	Område	Rådgivning /fangst	2018	2017	2016	2015	2014	2013	2012	2011	2010
Rejer	<i>P. borealis</i> Vestgrønland	Rådgivning	efterår	90.000	90.000	60.000	80.000	80.000	90.000	120.000	110.000
		TAC i Grønland		90.000	85.000	73.000	82.807	87.263	101.675	124.000	114.570
		Fangst i grl farvand			82.000	70.650	86.041	93.636	112.132	120.665	126.237
	<i>P. montagui</i> Vestgrønland	Rådgivning				ingen rådgv			flere tiltag	ingen rådgivning	
		Fangst i grl farvand				2.592	1.357	4.944	2.124	2.324	1.168
	<i>P. borealis</i> Østgrønland/Island	Rådgivning	efterår	2.000	2.000	2.000	2.000		12.400		
TAC i Grønland			5.000	5.300	7.300	8.300	12.400	12.400	12.400	11.835	
Helle fisk	Davis Strædet Inkl. indensker fangstger syd for 1B	Rådgivning CAN og GRL		15.150	14.000	14.000	14.000		14.000		
		TAC i Grønland		7.575	7.000	7.000	7.000	7.000	7.000	7.000	
		Total fangst			15.251	16.029	15.632	15.248	14.436	13.767	14.082
	Baffinbugt	Rådgivning CAN og GRL		17.150	16.000	16.000	16.000				
		TAC i Grønland		8.575	8.000	8.000	8.000	6.500	6.500	6.500	
		Total fangst			15.894	15.938	15.919	12.827	12.824	12.732	12.852
	Østgr./Island/Færøerne	Rådgivning IS.GRL		24.000	22.000	25.180	20.000		Ingen fiskeri		5.000
		TAC i Grønland		9.024	8.272	9.468	8.320	9.468	13.000	13.000	12.000
		Total fangst			25.397	25.677	21.069	27.045	29.309	26.424	25.995
	Diskobugt	Rådgivning	6.400	6.400	8.000	8.000	8.000	8.000	8.000	8.000	8.000
		TAC i Grønland		9.200	9.200	9.200	9.000	9.000	8.000	8.000	8.000
		Fangst i grl farvand			10.760	8.674	9.177	9.073	7.755	8.005	8.458
	Uummanaq	Rådgivning	6.500	6.500	6.000	6.000	6.000				5.000
		TAC i Grønland		9.500	9.500	8.379	7.450	6.000	6.000	6.000	5.000
	Upernavik	Rådgivning	6.300	6.300	6.300	6.300	6.300				Ingen rådgivning
		TAC i Grønland		9.500	9.500	9.015	7.950	6.500	6.500	6.500	6.000
		Fangst i grl farvand			7.360	6.274	7.381	6.039	6.830	6.471	5.941
	Torsk	Vest udenskers ændret 2016	Rådgivning		Ingen fiskeri			fælles Vest/Øst for 2016: Ingen fiskeri			
TAC i Grønland			5.000	5.000	5.000	5.000	-	fælles øst/vest kvote på 5000			
Fangst i grl farvand					3.740	4.860	116	479	332	8	2
Øst udenskers ændret 2016		Rådgivning	6.344	7.930	7.577		fælles Vest/Øst for 2016: Ingen fiskeri				Ingen fiskeri
		TAC i Grønland		16.000	16.000	18.000	10.000	6.500	5.500	5.000	
Indenskers Vestgrønland		Rådgivning	13.952	12.379	12.379	12.379	12.063	8.000	Ingen særskilt rådgivning for de		
	TAC i Grønland		36.500	35.400	27.500	18.500	10.000	10.000	10.000	5.000	
Krabber	Vestgrønland Sisimut, Disko.	Rådgivning		2.100	2.100	1.900	2.100	2.100	2.230	2.430	3.150
		Fangst i grl farvand			2.000	2.300	2.302	1.989	2.015	2.098	
Pelagisk rødfisk Irmingerhavet	(S. mentella) (øvre <500 m)1)	TAC i Grønland		1.669	1.891	2.114	4.450	5.900			
		Rådgivning øvre		Ingen fiskeri					Ingen fiskeri		
	(S. mentella) (nedre >500 m)1)	Total fangst			1.967	5.595	6.423	1.529	3.173	234	2.198
		IICES 14 og NAFO IF			61	3.119	1.202	1.480	3.113	234	1.520
Rødfisk kontinentalsoklen Østgrønland S. norvegicus S.mentella	Blandingsfiskeri norvegicus/mentella	Rådgivning mentella	1.142	1.120	2.240	3.500	3.500	3.500	1.000	F stabilt	ingen rådgv.
		Rådgivning S.norvegicus		52.800	51.000	47.300	51.980	40.000	30.000		
		Grl TAC ment.+norveg.		7.520	8.500	8.500	8.500	6.800	6.800	6.800	6.800
		Fangst grl S.norvegicus			5.442	2.562	2.706	1.485	1.973	1.005	1.653
		Fangst grl S.mentella			3.061	5.977	4.608	6.741	6.243	7.376	6.613
		TAC i Grønland			4.779	7.089	8.106	14.223	11.771	10.852	8.380
Stenbider	Vestgrønland	Fangster (hel fisk i tons)			743	1.058	1.210	2.123	1.757	1.579	1.251
		Stenbiderrogn									
		Rådgvn./forvaltningsplan		1.300	1.500	1.500		Ingen rådgivning. Forvaltningsplan indført i 2015			
Lodde	Østgrønland/Island	For fiskesæsonen	2017/2018	2016/2017	2015/2016	2015/2016	2014/2015	2013/2014	2012/2011	2011/2010	2010/2009
		Rådgivning	efterår	299.000	53.600	450.000	Ingen fiskeri		366.000	Ingen fiskeri	
		Total fangst			174.000	517.000	142.000	551.000	747.000	391.000	151.000
		TAC i Grønland			5.830	39.440	49.500	18.085	51.150	13.000	4.950
Makrel	Østgrønland/ Nordatlanten	Rådgivning	efterår	944.302	667.385	831-906 ft	927-1011tt	906.000	877.000	930.000	862.000
		Total fangst				1.208.988	1.394.456	933.165	894.684	946.662	875.515
		TAC i Grønland		66.000	85.000	85.000	100.000	70.000			
		Fangst i grønlandsk EEZ GRL udenfor GRL EEZ			36.211	30.415	78.382	54.163	5.284	162	
Sild	Østgrønland/ Nordatlanten	Rådgivning	efterår	646.075	316.876	283.000	436.000	692.000	833.000	988.000	1.483.000
		Total fangst				328.740	461.306	684.743	826.000	992.997	1.457.015
		TAC i Grønland			20.000	20.000	24.000	10.000	10.000	10.000	10.000
		Fangst i grønlandsk EEZ GRL udenfor GRL EEZ			17.788	10.605	11.154	2.221	293	486	1.313
Blåhvilling	Østgrønland/ Nordatlanten	Rådgivning	efterår	1.342.330	776.391	839.886	948.950	643.000	391.000	40.000	540.000
		Total fangst			1.147.000	1.396.244	1.155.279	626.036	385.297	103.592	523.832
		TAC i Grønland		7.268	4.565						
		Fangst i grønlandsk EEZ GRL udenfor GRL EEZ				0,11	32	135	406	24	2.435

Rådgivning på: + skoløst, laks, håising + rokker